



# SLUŽBENI GLASNIK

## OPĆINE BUŽIM

Godina XXIX - Broj 5	29. 10. 2024 BUŽIM	Izdanje na bosanskom jeziku
----------------------	-----------------------	--------------------------------

---

### OPĆINSKO VIJEĆE

35.

Na osnovu člana 13. stav (2). alineja (4). i člana 36. stav (1). tačka a. alineja 9. Zakona o principima lokalne samouprave („Službene novine Federacije BiH,” broj: 49/06 i 51/09) i člana 24. stav (1.) tačka (2.) Statuta općine Bužim („Službeni glasnik općine Bužim” broj: 12/15) a u vezi sa članom 31. stav 1. tačka 1) Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH” broj: 75/04, 38/06, 52/09 i 36/14) na prijedlog Općinskog načelnika, Općinsko vijeće općine Bužim, na svojoj

desetoj (X) vanrednoj sjednici održanoj dana 17.10.2024. godine, **donijelo je:**

### **O D L U K U** **o usvajanju Konačnog izvještaja o procjeni šteta od poplava**

I

Ovom Odlukom usvaja se Konačan izvještaj o štetama nastalim od poplava u junu 2024. godine na području općine Bužim broj: 02-40-3477/24 od 27.09.2024. godine urađen od strane Općinske

komisije za procjenu šteta koji je sastavni dio ove Odluke.

## II

Odluka stupa na snagu danom donošenja, a objavit će se u Službenom glasniku općine Bužim.

Broj: 01-40-3546/24                      PREDSJEDAVALAČI  
Bužim, 17.10.2024                      OPĆINSKOG VIJEĆA  
Elkasović Agan, s.r.

### 36.

Na osnovu člana 60. stav (1) Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine,, broj: 45/10, 111/12.) člana 44. Zakona o plaćama i naknadama u organima vlasti Unsko-sanskog kantona („Službeni glasnik Unsko-sanskog kantona“, 11/15, 24/18, 14/24), člana 24. stav 1. tačka 33. alineja 2. Statuta općine Bužim („Službeni glasnik općine Bužim,, broj: 12/15) Općinsko vijeće općine Bužim, na prijedlog Komisije za izbor i imenovanje i mandatno-imunitetska pitanja, na svojoj devetoj (IX) vanrednoj sjednici održanoj dana, 25.09.2024. godine, **donijelo je:**

### ODLUKU

### O IZMJENI I DOPUNI ODLUKE O PLAĆAMA I NAKNADAMA NOSIOCA IZVRŠNIH FUNKCIJA I SAVJETNIKE U OPĆINSKIM ORGANIMA VLASTI

#### Član 1.

U Odluci o plaćama i naknadama nosioca izvršnih funkcija i savjetnike u Općinskim organima vlasti („Službeni glasnik općine Bužim“, broj: 8/23), član 3. mijenja se i glasi:

(1) Nosilac izvršne funkcije i savjetnici, općinski pravobranilac imaju pravo na plaću danom

stupanja na dužnost, u skladu sa općim aktima Općinskog vijeća.

(2) Općinski načelnik, pravo na plaću iz stava 1. ovog člana ostvaruje danom potvrđivanja izbora od strane Centralne izborne komisije.

(3) Nosilac izvršne funkcije iz stava 2. ovog člana ima pravo na položajni dodatak, koji utvrđuje i donosi rješenjem Komisija za izbor i imenovanje Općinskog vijeća.

(4) Općinski pravobranilac pravo na plaću ostvaruju danom stupanja na dužnost.

(5) Općinski pravobranilac ostvaruju dodatak na plaću 20% od osnovne plaće.

(6) Savjetnici Općinskog načelnika pravo na plaću iz stava 1. ovog člana ostvaruju danom postavljenja na radno mjesto.

#### Član 2.

U članu 8. stav 2., mijenja se i glasi: Lica iz predhodnog stava imaju pravo na naknadu plaće u visini od 80% plaće koju je ostvario za prethodni mjesec prije odsutnosti s posla duže od 42 dana, a najduže 12 mjeseci do kraja mandata.

#### Član 3.

U članu 9. stav 2., mijenja se i glasi: Naknada iz stava 1. ovog člana neće se obračunavati za vrijeme odsutnosti s posla po osnovu bolovanja ili godišnjeg odmora.

#### Član 4.

Iza člana 13. dodaje se novi član 13a. i glasi:

Član 13a.

(Naknada za prijevoz na posao i sa posla)

Savjetnicima, općinskom pravobranioocu kojim nije organizovan službeni prijevoz na posao i sa posla, a čije je mjesto stanovanja od mjesta rada udaljeno najmanje 5 (pet) kilometara, pripada naknada za troškove prijevoza na način i pod uvjetima utvrđenih Odlukom o plaćama i naknadama državnih službenika i namještenika u Općinskom organu uprave Općine Bužim.

**Član 5.**

Ova Odluka stupa na snagu narednog dana od dana objavljivanja u Službenom glasniku općine Bužim.

Broj: 01-02-3240/24                      PREDSJEDAVALA

Bužim, 25.09.2024                      OPĆINSKOG VIJEĆA

Hasan Hilić, s.r.

**37.**

Na osnovu člana 14. stav (4) Zakona o eksproprijaciji ("Službene novine Federacije BiH", broj: 70/07, 36/10, 25/12, 8/15-Ustavni sud Federacije BiH i 34/16) i člana 24. stav (1) Statuta općine Bužim ("Službeni glasnik općine Bužim", broj: 12/15), a na temelju Zaključka Vlade USK, broj: 03-02-51-953/2024 od 15.07.2024. godine, za pokretanje postupka utvrđivanja javnog interesa za potpunu eksproprijaciju nekretnina za izgradnju objekta JU Dječiji vrtić Bužim, Općinsko vijeće općine Bužim na svojoj devetoj (IX) vanrednoj sjednici, održanoj dana 25.09.2024. godine, **donijelo je:**

**ODLUKU****o utvrđivanju javnog interesa za potpunu eksproprijaciju**

1. Utvrđuje se da je od javnog interesa izgradnja objekta JU Dječiji vrtić Bužim, te da se radi izgradnje predmetnog objekta može izvršiti potpuna eksproprijacija sljedećih nekretnina:

•k.č. 79/1, „TUK“ livada 1. klase, površine 1754 m<sup>2</sup>, upisana u zk. ul. br. 654 K.O. Varoška Rijeka, u suvlasništvu fizičkih lica: 1. Nanić (Hasib) Hamdija, sa dijelom 8/32, 2. Nanić (Hasib) Hilmija, sa dijelom 12/32, 3. Nanić (Mehmed) Ajka, sa dijelom 2/32, 4. Nanić (Mehmed) Vezira, sa dijelom 2/32, 5. Nanić (Zuhdija) Nermin, sa dijelom 5/32 i 6. Nanić (Zuhdija) Midhad, sa dijelom 3/32;

• Dio od k.č. 67, „HASIBOVA NJIVA“ livada 1. klase, u površini od 1850 m<sup>2</sup>, upisana u zk. ul. br. 654 K.O. Varoška Rijeka, u suvlasništvu fizičkih lica: 1. Nanić (Hasib) Hamdija, sa dijelom 8/32, 2. Nanić (Hasib) Hilmija, sa dijelom 12/32, 3. Nanić (Mehmed) Ajka, sa dijelom 2/32, 4. Nanić (Mehmed) Vezira, sa dijelom 2/32, 5. Nanić (Zuhdija) Nermin, sa dijelom 5/32 i 6. Nanić (Zuhdija) Midhad, sa dijelom 3/32;

• Dio od k.č. 193/10 „BUŽIMNICA“, ostalo neplodno zemljište, površine 864 m<sup>2</sup>, upisana u zk. ul. br. 2008 K.O. Varoška Rijeka, u vlasništvu Općine Bužim;

• Dio od k.č. 71/4 „VELIKA LUKA“, stambeno-poslovna zgrada 1, površine 72 m<sup>2</sup> i dvorište stambeno-poslovne zgrade, površine 443 m<sup>2</sup>, upisana u zk. ul. br. 1048 K.O. Varoška Rijeka, u suvlasništvu fizičkih lica: 1. Duranović (Osman) Muvehida, sa dijelom 3/10 i 2. Veladžić (Sead) Adis, sa dijelom 7/10.

2. Utvrđuje se da je Vlada Unsko-sanskog kantona korisnik potpune eksproprijacije nekretnina iz tačke 1. ove Odluke, radi potreba izgradnje objekta JU „Dječiji vrtić Bužim“ u Bužimu.

3. Protiv ove Odluke može se pokrenuti upravni spor u roku 30 dana od dana njenog stupanja na snagu.

4. Ova Odluka stupa na snagu danom donošenja i ista će se objaviti u Službenom glasniku općine Bužim.

5. Nakon objavljivanja Odluku dostaviti vlasnicima/suvlasnicima nekretnina iz tačke 1. ove Odluke.

Broj: 01-02-2424/24                      PREDSJEDAVALA

Bužim, 25.09.2024                      OPĆINSKOG VIJEĆA

Hasan Hilić, s.r.

**OPĆINSKI NAČELNIK****38.**

Na osnovu člana 15. Stav (1) tačka 2. Zakona o principima lokalne samouprave u Federaciji BiH (« Službene novine F BiH», broj: 49/06 i 51/09), člana 38. Stav (1) tačka 6. Statuta Općine Bužim („Službeni glasnik Općine Bužim”, br. 12/15) i člana 19. Odluke o izvršavanju budžeta Općine Bužim za 2024. godinu („Službeni glasnik Općine Bužim”, br. 1/24), Općinski načelnik, **donosi:**

**O D L U K U**

**o uslovima i načinu dodjele bespovratnih  
finansijskih sredstava namijenjenih  
podrški privatnim preduzećima (osim  
ugostiteljske i trgovinske djelatnosti) i  
obrtnicima za ublažavanje posljedica  
inflacije na području Općine Bužim za  
2023. godinu**

**I - OSNOVNE ODREDBE****Član 1.**

Odlukom o uslovima i načinu dodjele bespovratnih finansijskih sredstava namijenjenih podrški privatnim preduzećima (osim ugostiteljske i trgovinske djelatnosti) i obrtnicima za ublažavanje posljedica inflacije na području Općine Bužim za 2023. godinu (u daljem tekstu: Odluka) utvrđuje se cilj, finansijski okvir, vrsta podrške i uslovi za dodjelu poticaja privatnim preduzećima, poduzetnicima i obrtnicima koji posluju na području općine Bužim u 2023. godini.

Cilj Odluke je podrška privatnim preduzećima (osim ugostiteljske i trgovinske djelatnosti) i obrtnicima u 2023. godini.

**II - FINANSIJSKI OKVIR I VRSTA PODRŠKE****Član 2.**

Novčana sredstva za realizaciju ovog poticaja obezbjeđena su u Budžeta Općine Bužim za 2024. godinu u iznosu od 80.000,00 KM (ekonomski kod 614511).

**Član 3.**

Poticajna sredstva se dodjeljuju privatnim preduzećima (osim ugostiteljske i trgovinske djelatnosti) i obrtnicima (u daljem tekstu Korisnici) za sledeće mjere:

1. Podrška novoosnovanim Korisnicima u 2023. godini,
2. Podrška Korisnicima u sufinansiranju novih uposlenika u 2023. godini,
3. Sufinansiranje administrativnih troškova osnivanja Korisnika u 2023. godini,
4. Sufinansiranje dospjelih obaveza PIO/MIO i zdravstveno osiguranje uposlenih u periodu 2023. godine.

**Član 4.**

Pojedinačno po mjerama predviđaju se slijedeći iznosi sredstava:

1. Mjera 1. – 10.000,00 KM
2. Mjera 2. – 20.000,00 KM
3. Mjera 3. – 20.000,00 KM
4. Mjera 4. – 30.000,00 KM

**Član 5.**

Novčana sredstva iz ovog Programa su namjenska i bespovratna.

**III - USLOVI ZA DODJELU SREDSTAVA****Član 6.**

1. Korisnik ostvaruje pravo na poticajna sredstva za prvu mjeru podrške pod uslovom da ispunjava sledeće uslove:

- da je registriran kod nadležnog organa Općine Bužim u 2023. godini, da djelatnost obavlja u vidu osnovnog zanimanja,
- da ima sjedište i obavlja djelatnost na području Općine Bužim.

Dokumentacija koja se prilaže uz Prijavu na Javni poziv:

- kopija rješenja nadležnog organa o odobrenju za rad,
- izjavu da obavlja djelatnost na području Općine Bužim,
- da imaju otvoren i aktivan račun u banci, koji se vodi na ime registriranog Kandidata, (karton deponovanih potpisa),
- uvjerenje da nema neizmirenih obaveza prema općini Bužim (komunalna naknada).

#### Član 7.

2. Korisnik ostvaruje pravo na poticajna sredstva za drugu mjeru podrške pod uslovom da ispunjava sledeće uslove:

- da je registriran kod nadležnog organa Općine Bužim,
- da ima sjedište i obavlja djelatnost na području Općine Bužim,
- da djelatnost obavlja u vidu osnovnog zanimanja,
- dokaz da je u 2023. godini prijavitelj zaposlio jednog ili više uposlenika, te održao zaposlenost minimalno jednog uposlenika u periodu od 01.01.2023. do 31.07.2024. godine.

Dokumentacija koja se prilaže uz Prijavu na Javni poziv:

- kopija rješenja nadležnog organa o odobrenju za rad,
- izjavu da obavlja djelatnost na području Općine Bužim,
- da imaju otvoren i aktivan račun u banci, koji se vodi na ime registriranog Korisnika, (karton deponovanih potpisa),
- uvjerenje da nema neizmirenih obaveza prema općini Bužim (komunalna naknada).

#### Član 8.

3. Korisnik ostvaruje pravo na poticajna sredstva

za treću mjeru podrške pod uslovom da ispunjava sledeće uslove

- da je registriran kod nadležnog organa,
- da ima sjedište i obavlja djelatnost na području Općine Bužim,
- da djelatnost obavlja u vidu osnovnog zanimanja,
- da posjeduje uplatnice o izvršenim uplatama administrativnih taksi osnivanja i taksi ovjere dokumentacije za period od 01.01.2023. do 31.07.2024. godine.

Dokumentacija koja se prilaže uz Prijavu na Javni poziv:

- kopija rješenja nadležnog organa o odobrenju za rad,
- izjavu da obavlja djelatnost na području Općine Bužim,
- dokaz o uplatama administrativnih taksa i taksa za ovjeru,
- da imaju otvoren i aktivan račun u banci, koji se vodi na ime Kandidata, (karton deponovanih potpisa),
- uvjerenje da nema neizmirenih obaveza prema općini Bužim (komunalna naknada).

#### Član 9.

4. Korisnik ostvaruje pravo na poticajna sredstva za četvrtu mjeru podrške pod uslovom da ispunjava sledeće uslove:

- da je registriran kod nadležnog organa,
- da posjeduje uplatnice o izvršenim uplatama PIO/MIO i zdravstvenog osiguranja

Dokumentacija koja se prilaže uz Prijavu na Javni poziv:

- kopija rješenja nadležnog organa o odobrenju za rad,
- izjavu da obavlja djelatnost na području Općine Bužim,

- dokaz o uplatama dospjelih obaveza PIO/MIO i zdravstvenog osiguranja za period od 01.01.2023. do 31.07.2024. godine, (izvod iz banke ili nalozi za uplatu),

- kopija transakcijskog računa banke Korisnika.

#### Član 10.

Zainteresirani prijavitelji koji ispunjavaju uvjete iz ove Odluke imaju pravo prijave na maksimalno dvije (2) mjere.

#### Član 11.

Ukoliko nakon obrade pristiglih zahtjeva i sačinjenih spiskova potencijalnih korisnika sredstava premaši se iznos planiranih sredstava ovom Odlukom, u slučaju iznalaženja dodatnih finansijskih sredstava, izvršit će se izmjena i dopuna ove Odluke u skladu sa raspoloživim finansijskim sredstvima.

### IV - POSTUPAK DODJELE SUBVENCIJJE

#### Član 12.

Poticajna sredstva se dodjeljuju na osnovu Javnog poziva koji sadrži:

- predmet, namjenu i iznos raspoloživih sredstava poticaja,
- potrebne uslove,
- način podnošenja prijave,
- potrebnu dokumentaciju,
- redoslijedu podnošenja,
- rok do kada je otvoren i
- druge podatke od značaja za Javni poziv.

Općinski načelnik raspisuje Javni poziv koji se objavljuje na oglasnoj ploči Organa uprave, internet stranici Općine i drugim sredstvima javnog informisanja.

#### Član 13.

Općinski načelnik imenuje Komisiju za provođenje postupka dodjele sredstava.

Komisija utvrđuje ispunjenost uslova i rangiranje prijave za dodjelu poticaja. Komisija razmatra prijave prema redoslijedu podnošenja, cijeni ispunjenost uvjeta, te sačinjava prijedlog rang liste i istu dostavlja Općinskom načelniku koji odlučuje o visini i isplati korisnicima budžetskih sredstava za podršku privatnim preduzećima i obrtnicima na području Općine Bužim za 2023. godinu.

Subvencija se odobrava zaključkom o isplati kojeg donosi Općinski načelnik na prijedlog Službe za razvoj i poduzetništvo.

### V - ZAVRŠNE ODREDBE

#### Član 14.

Odluka stupa na snagu danom donošenja, a ista će se objaviti u Službenom glasniku Općine Bužim.

Broj: 02-04-3047/24

OPĆINSKI NAČELNIK

Bužim, 12.09.2024

Mersudin Nanić  
dipl.ing.inf, s.r.

#### 39.

Na osnovu člana 6. Odluke o izvršavanju budžeta općine Bužim za 2024. godinu („Službeni glasnik općine Bužim“, broj: 1/24), člana 123. Statuta općine Bužim („Službeni glasnik općine Bužim“, broj: 12/15), a na zahtjev Službe za prostorno uređenje, geodetske i imovinsko pravne poslove, broj: 02/1-11-3269/24 od 27.09.2024.godine, Općinski načelnik, **donosi:**

### O D L U K U

#### **o povećanju prihoda i rasporedu rashoda u Budžetu Općine Bužim za 2024.godinu u iznosu od 179.796,24 KM**

#### Član 1.

Od strane Federalnog ministarstva finansija dana 25.09.2024.godine uplaćena su sredstva na depozitni račun Općine Bužim u iznosu od 179.796,24 KM namjenska sredstva za



**SLUŽBENE OBJAVE****4. Odgovor na tužbu Hilmija Nanić**

Bosna i Hercegovina  
Federacija Bosne i Hercegovine  
Unsko-sanski kanton  
**Općina Bužim**  
**Općinsko vijeće**

Broj: 01-02-2424/2024

Datum: 12.09.2024. godine

**KANTONALNI SUD BIHAĆ****Na spis broj: 01 0 U 020385 24 U**

**Tužitelj:** Nanić Hilmija sin Hasiba iz Bužima, Var. Rijeka 153, zastupan po ZAK-a Sanil Hasić i Amel Šabić iz Bos. Krupe

**Tuženi:** Općina Bužim, Općinsko vijeće općine Bužim, zastupani po zakonskom zastupniku

**Radi:** Poništenje Odluke o utvrđivanju javnog interesa za potpunu eksproprijaciju Općinskog vijeća općine Bužim, br. 01-02-2424/24 od 20.07.2024. godine.

**P R E D M E T:** Odgovor na tužbu, dostavlja se,-

Općinsko vijeće Općine Bužim, na VIII vanrednoj sjednici održanoj dana 12.09.2024. godine, razmatrajući navode iz tužbe tužitelja, na temelju stanja spisa, razmatralo je i usvojilo Odgovor na tužbu u predmetu radi poništenja akta Općinskog vijeća Bužim, broj i datum navedeni u uvodu.

U skladu sa odredbom člana 27. stav 2. i 3. Zakona o upravnim sporovima F BiH, dostavljamo odgovor na tužbu tužitelja Nanić Hilmije iz Bužima, protiv tuženog Općina Bužim, Općinsko vijeće Općine Bužim, radi ponišenja akta-Odluke o utvrđivanju javnog interesa za potpunu eksproprijaciju Općinskog vijeća općine Bužim, br. 01-02-2424/24 od 20.07.2024. godine.

Odgovor se dostavlja sa potrebnim kompletnim spisom predmeta i dokazom o uručenju osporenog akta tužitelju.

Općinsko vijeće općine Bužim je Odlukom o utvrđivanju javnog interesa za potpunu eksproprijaciju, br. 01-02-2424/24 od 20.07.2024. godine, utvrdilo postojanje javnog interesa za potpunu eksproprijaciju nekretnina označenih kao k.č. br. 79/1, dio k.č. br. 67, dio k.č. br. 193/10 i dio k.č. br. 71/4, sve k.o. Varoška Rijeka, a u svrhu izgradnje objekta Javne ustanove Dječiji vrtić Bužim. Istom odlukom je utvrđeno da je korisnik potpune eksproprijacije Vlada USK-a.

Donošenju Odluke tuženog predhodio je Zaključak Vlade Unsko-sanskog kantona, broj: 03-02-51-953/2024 od 15.07.2024. godine, te je istim predloženo Općinskom vijeću općine Bužim da pokrene postupak utvrđivanja javnog interesa za potpunu eksproprijaciju nekretnina za potrebe izgradnje objekta JU „Dječiji vrtić Bužim“.



Ne stoje navodi u tužbi tužitelja da Vlada USK-a ne može imati svojstvo korisnika eksproprijacije, pozivajući se pri tom na odredbu člana 6. a u vezi sa odredbom člana 21. stav 3. Zakona o eksproprijaciji. Iznesene razloge u tužbi tužitelja smatramo neosnovanim, upravo iz razloga jer je odredbom člana 6. Zakona o eksproprijaciji propisano ko može imati svojstvo korisnika eksproprijacije po odredbama ovog Zakona (Federacija BiH, kanton, grad, općina i javna preduzeća) tj. određeni subjekti javnog prava, dok je odredbom člana 21. stav 3. Zakona regulirano da „Nadležno pravobranilaštvo podnosi prijedlog za eksproprijaciju u ime pravnih lica koje zastupa prema zakonu“.

Ističemo da je u konkretnom pokrenut postupak eksproprijacije predmetnih nekretnina, a u svrhu izgradnje objekta JU „Dječiji vrtić Bužim“ temeljem Prijedloga za potpunu eksproprijaciju nekretnina, br. KP-121/24 od 23.08.2024. godine podnesen od strane Kantonalnog pravobranilaštva Bihać kao zakonskog zastupnika Vlade Unsko-sanskog kantona, korisnika eksproprijacije, a temeljem člana 21. stav 3. Zakona o eksproprijaciji, Zakona o pravobranilaštvu USK-a, a shodno zaprimljenoj obavijesti premijer USK-a, br. 03-45-10276-1/24 od 22.08.2024. godine i Zaključka Vlade USK-a, br. 03-02-51-1219/2024 od 22.08.2024. godine.

Isto tako, *tuženi smatra neosnovanim navode* iz tužbe tužitelja u dijelu koji se odnosi na nedostatak prostorno-planske dokumentacije tj. planski dokument prostornog uređenja za područje koje je predmet eksproprijacije. **Naime, odredbom člana 15. Zakona o eksproprijaciji, propisano je da se javni interes u smislu člana 14. Zakona može utvrditi i zakonom**, a na području za koje nije donesen regulacioni plan ili urbanistički projekat, javni interes za izgradnju objekta smatra se utvrđen tim planom odnosno projektom. Kako u konkretnom nije donesen regulacioni plan kojim bi se utvrdio javni interes za izgradnju objekta, isti je utvrđen zakonom, tj. Odlukom općinskog vijeća općine Bužim, na temelju određenih zakonskih propisa. Također, navodimo da je za izgradnju JU Dječiji vrtić Bužim, na predmetnom zemljištu data urbanistička saglasnost, Rješenjem ovog Organa, br. 02/1-19-514/24 od 09.08.2024. godine. Stoga, a uzimajući u obzir navedeno, smatramo neosnovanim i pravno neutemeljenim navode i u ovom dijelu tužbe tužitelja.

Što se tiče ostalih razloga pobijanja osporenog upravnog akta, iznesenih u tužbi tužitelja, tuženi smatra irelevantnim za donošenje odluke u ovoj upravnoj stvari, pa iste nije niti obrazlagao.

Prilozi: Spis predmeta:

- 1) Prijedlog odluke o utvrđivanju javnog interesa upućen Općinskom vijeću općine Bužim, od 19.07.2024. godine,
- 2) Odluka o utvrđivanju javnog interesa za potpunu eksproprijaciju, od 20.07.2024. godine, sa dokazom o uručenju osporenog akta tužitelju,
- 3) Katastarsko-knjižni i zemljišno-knjižni podaci o predmetnim nekretninama,
- 4) Zaključak vlade USK-a, od 15.07.2024. godine, u prilogu kojeg je Informacija u vezi sa poduzetim aktivnostima kupovine zemljišta za izgradnju objekta,
- 5) Prijedlog za potpunu eksproprijaciju nekretnina, u ime predlagača Kantonalno pravobranilaštvo Bihać, br. KP-121/24 od 23.08.2024. godine, sa prilogima kako je navedeno u prijedlogu.

Dostavljeno:

1. Naslovu
2. Općinsko vijeće Općine Bužim
3. Općinski načelnik
4. Općinsko pravobranilaštvo (na znanje)
5. Službeni glasnik općine Bužim
6. U spis

Predsjedavajući Općinskog vijeća  
Hilić Hasan, s.r.

# S A D R Ž A J

## OPĆINSKO VIJEĆE

35. ODLUKA o usvajanju Konačnog izvještaja o procjeni šteta od poplava ..... 1

36. ODLUKA O IZMJENI I DOPUNI ODLUKE O PLAĆAMA I NAKNADAMA NOSIOCA IZVRŠNIH FUNKCIJA I SAVJETNIKE U OPĆINSKIM ORGANIMA VLASTI..... 2

37. ODLUKA o utvrđivanju javnog interesa za potpunu eksproprijaciju ..... 3

## OPĆINSKI NAČELNIK

38. ODLUKA o uslovima i načinu dodjele bespovratnih finansijskih sredstava namijenjenih

podršci privatnim preduzećima (osim ugostiteljske i trgovinske djelatnosti) i obrtnicima za ublažavanje posljedica inflacije na području Općine Bužim za 2023. godinu ..... 4

39. ODLUKA o povećanju prihoda i rasporedu rashoda u Budžetu Općine Bužim za 2024.godinu u iznosu od 179.796,24 KM..... 6

40. ODLUKA o povećanju prihoda i rasporedu rashoda u Budžetu Općine Bužim za 2024 godinu u iznosu od 13.360,00 KM..... 7

## SLUŽBENE OBJAVE

4. Odgovor na tužbu Hilmija Nanić..... 8